



Loki ina hala
okwiiyoga

This book belongs to:



Loki ina hala okwiiyoga

Title: Loki ina hala okwiiyoga

Author: Vanessa Ukca

Illustrations: Shiya Karuseb

Translated by: Erick Natangwe Uukule & Iyaloo Hamukwaya

Layout and design: John Meinert Printing

Publisher: Development Workshop Namibia

20 Nachtigal Street

P O Box 40723, Ausspannpaltz

Windhoek, Namibia


Printed by: John Meinert Printing

ISBN: 978-99945-58-42-1

Copyright: *All rights reserved by Development Workshop Namibia. School children and teachers can make copies and use this book in schools. This book and /or its content may not be reproduced or copied for commercial purposes.*

The production and printing of this publication is supported by:





Loki oku hole okudhana pondje
nookuume ke.





Konima yokudhana, Loki okwa galukile kegumbo aluudha. Meme gwe Lily okwa hala Loki i iyoge.


Loki okwa tsu onyanyo e ta ti: “Meme, onda vulwa noonkondo. Otandi iyogo ongula ongulonene.”



Loki okwa yaguma ti iyogo. Manga e li metemba lyokwiiyogela, okasiikilo hoka haka keelele omeya gaaha pwine metemba oka zi po. Sho omeya taga pwine, oga nanene Loki kohi yomunino.



Esiku lya landula Loki okwa yi kosikola ini iyoga. Sho osikola ya zimbuka, Loki okwa yi kegumbo nokwa kwathele meme gwe nokuteleka. “Oh aaye, Loki, owi itile iikulya!” Meme gwe okwa kambadhala oku yi theta ko kuye, ashike natango okwa luudha owala. Konima yokulya, Meme Lily okwa ti: “Itu ki iyoge Loki!” “Aawe Meme, hangashingeyi. Onda kuta unene, itandi vulu okwiiyoga ngashingeyi.”




Loki okwa yi a ka kothe nokwa yaguma ti iyogo. Ohaluka omeya oga ningi po oomwe ndhoka dha tameke oku mu lya kehe pamwe.



Ethimbo lyongula Loki okwa yi kosikola. Nena motundi yoArt aanona oya mbambeke. Oshinyanyudhi, ashike oshanyata! Loki okwe ya kegumbo u udha ombapa. Meme Lily okwa hala Loki i iyoge, ye a yoge woo iikutu ye, ashike Loki okwa ti: “Omulongi okwa ti oonguwo dhetu nadhi kale ngaashi dhi li, ndjika oArt.”




Loki okwa ka kotha nokwa yaguma a thikama koho yegwo lyomeya. Ewi lyomeya taga matuka oyi li muule noonkondo, nomeya otaga matukile momakutsi ge. Ke uvite nando osha, noku uvite uuwike nokwa tila.



Loki oha kwathele Tate gwe Lionel moshikunino. Okwa kunu omatama nokutekela iimeno. Sho Meme Lily a mono Loki a udha ondoya okwa ti: Loki owa ningi shike? Omolwashike wa luudha ngaaka?" "Tse naTate otwa kunu omatama." Loki osho a fatulula. Meme Lily okwa ti: "Iyaloo, owa ninga nawa! Ngashingeyi ethimbo




lyokwiiyoga.” Loki okwa ti: “Meme, otandi iyogo konale, ngashingeyi onda sa ondjala kokulonga moshikunino naTate. Itatu vulu okulya tango?” Meme Lily okwa zimine noya li. Konima yokulya Loki okwa iyakele mondunda ye, okwa endebele okuya mombete nokwa kotha.




Loki okwa yaguma ti iyogo nomeya oga shituka po omuhoka omupyu!



Meme Lily okwa pula tate Lionel ta ti: “Omolwashike Loki ina hala okwiiyoga?” “Kandi shi wo.” Tate Lionel osho a ti.



“Ondi na po edhiladhilo!” Okwa dhimbulukwa okad-
hanitho kokambaka okashona hoka kwa li hi iyogo nako
sho a li okanona. Tate Lionel okwa yi a ka konge okam-
baka ke miipakete yimwe.



Meme Lily natate Lionel oya tameke okulongekidhila Loki omeya gokwiiyoga. Oya udha oshiyaha shokwiiyogela nomeya ga lomoka, oya gwedha mo othewa tayi nika nawa osho woo okadhanidho kokambaka. Oya landele nokuli Loki omakende gokomeho gokuyogitha.



Loki sho a mono etemba lyokwiiyogela nokambaka, nokwa uvu uupyu uuwanawa womeya, uumbanda we awuhe noondjodhi oombwinayi odha kana po. Okwa yi momeya nokwa dhana nokambaka ethimbo ele. Loki okwa li a nyanyukwa noonkondo metemba lye. Meme Lily natate Lionel oya imbi okaimbilo pamwe naLoki manga ta tyapula okwiiyoga kwe.

Sho a zi momeya, Loki okwa li a nyanyukwa lela sho a yela. Okwa lombwele meme Lily ta ti: “Otandi kala nokwiiyoga esiku kehe, opo ndi kale nda yela!”



Publication is supported by:



ISBN: 978-99945-58-42-1

